

Сургъульчнрин производствен бригад

Сургъуль сурна гисн умшдг, бичдг, тоолдг, туудж, географ, физик, химий болн нань чигн наук дасцн деерән, тер дасцн медрлән олт-амтнā бāдд-джиргъл ясуулгънд, олт-амтнā кўч-кōлс амрдуллгънд, олт-амтнд кергтā материалн зōбр икдўллгънд олзлдг боллгън болджана. Минь тер учр деерās мана Коммунистическ партин ХХ-ч хургин шидврмўдт, сургъулин болн сургъмджин кōдлмш, олт-амтнā бāдд-джиргълās ода бийнь салу кегддж бāххин туск, школин кōдлмшт бāах дуту-дундиг уурулхин туск заагдсми.

Сўд джилмўдт олт-амтнā бāдд-джиргъл ясуулгъар, олт-амтнā эдлдг эд-тавр болн хот-хол элвджўллгъяр Коммунистическ партъ болн Советск правительств берк ик кōдлмш кечкв, цаарандан чигн эн халхар эврāннь оньг-килмджāн сулдхдж йовхш.

Партин ХХ-ч хургин шидврмўдт кўцāsнās иштāгъяр олт-амтнā бāдд-джиргъл ясуулхин, олт-амтнā кергтā тоот эд-тавр, хот-хол элвджўлхин тōлād сургъульчнрин производствен бригаде эклдж бўрдāгддж делгрўлгдсми.

Селāнā газрин сургъульчнр арви класе тōгсгтлāн селāнā эдл-ахун кōдлмшт орцл уга, селāнā эдл-ахун кōдлмшт болдж йовх шин хўврлтиг м е д л уга, сурцах сургъулян практическ кōдлмшт ягъдж орцулхан мелл уга йовдг билā.

Сўд джилмўдт сургъульчнр, сургулян дасн йовдж, селāнā эдлгън кōдлмшт орцлдж, практическ мшлт авсн деерāн, олт-амтнд государетвени ик туста кōдлмш кедж йовцхана. Тер тōлād сургъульчнрин производствен бригадсин кōдлмшт мана партъ берк ик оньган ѓнā. Сургъульчнрин производствен бригад селāн газрин сургъульчнрт политехническ сургъмдж ѓлгънā йоста гидг таалмджта янзнь болджана. Сургъульчнр кōдлдг дасцхана, кōдлмшин дамшлт авна, колхозмудт болн совхозмудт дōнъ-тусан кўргсн деерāн сургъулян улм цааранднь гўўдўлдж дасхин тōлād кергтā амрлгъ авцхана.

Яшалтинск района сургъульчнр нидн джил «Новый мир» колхозин газрт эрдни-шишāн болн темснā му биш ургъц хурадж авб, 18 гектар газрт сад болн виноградник суулгъад, 46 гектар сад болн виноградник хāлāдж асрцхав, долан миньгън кубометр солом овалцхав, дакад 13 тонн шаху силос булцхав.

Западн района Кировск дундин школин сургъульчнрин производствен бригадин члед С. Гузенко, Т. Абуткина, Р. Дзюба, К. Цакиров, Яшалтинск района Михайловск долан селāнā школин сургъульчнрин производствен бригадин члед Р. Чернышева, Н. Чернышев, Т. Бережная, А. Боганов болн нань чигн сургъульчнр кўч-кōлснā производительностин ўлгўр ўзўлдж кōдлдж йовцхана.

Нидн джил, сургъульчнрин бригадсин кōдлмшин кўцлтс болн терўнд гаргъдсн дуту-дундсиг тоолад, эн джил мана Хальмг таньгъчин кесг дундин болн долан джилā школмудар сургъу-

льчнрин производствен бригаде болн звенос бўрдāгдсн, кōдлджāцхāнā. Цуг бийнь эн джил производствен 34 бригад болн 29 звено таньгъчд бўрдāгдв. 2300 сургъульчнр тер бригадсар болн звеносар кōдлдж йовцхана.

Сургъульчнрин бригаде нургъддж эрдни-шишāд, садмудар, виноградникўдār болн багц-огородмудар кōдлдж йовцхана. Яшалтинск, Западн, Яшкульск болн нань чигн райодар, Элет балгъсна колхозмудар сургъульчнрин производствен зāрм-бригаде шишлнь бийсиннь участка, бийсиннь даалгъврт ѓгдсн трактормудта, автомашидтā болн нань чигн зертā-зевтā болн кōлгдтā.

Партийн, профсоюзн болн комсомольск организаце оньган ѓгцхāсн бригадсар культурн сергмджин, сургъмджин кōдлмш сāнāнār бўрдāгдсн, хот-хоолнь болв чигн сāнāнār бўрдāгдсн бāнā. Газет, журнал тасрхан уга умшцхана, радио даньгин соньсцхана, спортивн наад наадцхана.

Яшалтинск района Ленинā нертā, Сталинā нертā болн «Победа» колхозмуд сургъульчнрин бригадст кергтā тоот зер-зевсинь, кōлг-кўчинь гаргъдж ѓгсн деерāн, селāнā эдл-ахун специалистнр теднд нōкд-дōнъ болтха гидж гаргъдж ѓгч. Эрдни-шишāн, темснā бōдāн сāн ургъц авхин тōлā сургъульчнр зўткдж кōдлджāцхāнā.

Эн района Соленовск дундин школин сургъульчнрин бригад 130 гектар эрдни-шишāн ѓвс тўўдж цеврлв. Гектараснь 35 центнер эрдни-шишāн гибридн эк, 60 центнер виноград авх даалгъвр тедн бийсдāн авцхав. Эдў мет даалгъврмуд, Западн, Сарпинск болн нань чигн райодин сургъульчнрин бригаде бийсдāн авцхасн шуидж кōдлдж йовцхана.

Болв сургъульчнрин производствен бригадсин кōдлмш мана таньгъчд хамань болв чигн сāнāнār бўрдāгддж гидж келдж болшго. Эн политическ болн экономическ ик чинртā кōдлмшт дуту-дунд бāнā. Зāрм бригадсар ода бийнь культстанмуд кегдād уга, кегддж гилā, о д а бийнь тохнягдад уга, халун хот-хол сургъульчнрт ѓгдхш. Сургъульчнрин кеджāх кōдлмшиг производствен программа ирлцўлдж кеш, сургъульчнрин бригаде болн бригадсин члед хоорид социалистическ дōрлāн муугъар делгрўлгддж.

Эн деер келгдсн дуту-дундиг цаг тўдл уга уурулх тōр партийн, профсоюзн болн комсомольск организацсин эрки тōрнь гидж тоолх кергтā.

Мана таньгъч мал ѓскдг таньгъчнь цугтад меддгдг биший. Тиигхлā, сургъульчнрин производствен бригадсин болн звеносиг мал ѓсклгънā халхар бас гаргъхла сāн болхми. Малин хаша-хаац кедг сургъульчнрин тосхлтин звенос, шову ѓсклгънā бригаде сургъульчнрас бўрдāдж болхми. Эн тоотиг партийн организаце, эдл-ахун болн школмудин гардачнр тоолдж, кергтā газрмударнь бўрдāцхāх зōвтā.

Эн джил сургъульчнрин производствен бригадсин участкар ургъцнь берк сāн. Эн ургъцан цаглань, ўрāl уга хурадж авх — сургъульчнрин бригадсин эрки кергнь болджана. Эн эрки чинртā кергāн диилвртāгъяр кўцāхднь магъдлад керг уга.